

Saturday, July 25, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

RINI AI

Mizo tawng atanga tawng sawm lehlín theihna Rini AI Speech chu khawvela ram 50 vela cheng mi singli chuangin an hmang tawh.

Akashvani Aizawl News-in a kawmnaah Rini Speech AI CEO Dr. Maria Sailo chuan he thu hi sawiin, tawng chu hnam humhalhna pawimawh ber anga an ngaih avangin Rini Speech AI chu Mizo tawng chawisanna leh humhalhna atan an siam tih a sawi a. Internet ah tawng lehlín theihna awm nual mahse Mizo tawng duh tawka dik leh tha taka letling thei a awm loh avangin nikum September thla atang khan an nupa in hma an la tan a, kumin May ni 21 khan Rini Speech AI chu hman theih turin an tlangzarh a, thla khat leh a chanve chhungin khawvela ram 50 vela cheng mi singli chuangin he app hi an install tawh tih a sawi a ni.

Dr Maria chuan tun dinhmunah Rini AI Speech hi Mizo tawng atangin tawng sawm-Japanese, Korean, Chinese, Thai, Hindi, English, Spanish, German, French thleng in a inlet thei a. Khawvel hmun hrang hranga Mizoten an hmang tangkai hle tih sawiin, he app hmangtu Mizoram pawna damlo leh, damlo hruaitute bakah lehkha zir leh hnathawk te chu tawngah an buai tawh lo a ti a. Missionary te pawn rawngbawlnan te an hmang tangkai hle tih sawiin, hetiang taka Mizoten an lo tangkapui hi an lawm hle tih a sawi a ni.



BIRTH & DEATH STATS :

Kumin kum chanve chhungin Mizoramah naupiang 10,643 leh mitthi 4,156 an awm.

Mizoram Directorate of Economics & Statistics-in a tarlan danin, kumin kum chanve chhunga naupiang 10,643 zinga 5,269 te chu mipa niin, midang 5,374 te chu hmeichhia an ni a. Hemi chung veka mitthi 4,156 zinga 2,647 chu mipa niin midang 1,509 chu hmeichhia an ni.

Kan corr report ngaithla ang,

Kumin thla 6 chhungin January thla kha naupiang tam ber thla niin, naupiang 1,845 an awm a. June thla kha mitthi tam ber tum niin, mi 843 an thi a ni. Aizawl district chu kumin thla 6 chhunga naupiang leh mitthi tam berna district niin, naupiang 4,564 leh mitthi 2,114 an awm a. Khawzawl district chu naupiang tlemna ber niin, kumin thla 6 chung hian naupiang 67 an awm a. Hnahthial district chu mitthi tlemna bet niin, kumin kum chanve chhungin mi 82 an thi a ni.



FISHERIES :

Fisheries Deptt hnuaia Central Scheme - PMMSY hnuaia tanpuina “Promotion of Recreational Fisheries” dawngtu Joint YMA Sialsuk ten Khualbuk leh Dil-a Lawngleng chuan theihna tur leh nghakuai chiah theihna tur hmun an siam chu nimin khan Fisheries Minister Pu Lalthansanga’n a hawng. He hunah hian Bialtu MLA Pi Baryl Vanneihsangi pawh a tel a ni.

DFDO Aizawl Pi C.Lallianpuii leh Fisheries Deptt a thawktu mi engemaw zatin an hmanpui a. Sialsuk khaw chhunga Sawrkar Department hrang hrang te, NGO Pawl hrang hrang leh Sialsuk mipuite leh khaw chhehvel atangin mi engemaw zat an tel a ni.



ICG RESCUE OPERATION :

Indian Navy hnuaia awm Indian Coast Guard te chuan India chhim thlang lama tuilian avanga chhanchhuah hna an kalpui mekah mi 170 chuang hmun him lamah an suan tawh.

Ministry of Defence thuchhuakin a tarlan danin tui lenna hmun Daman, Dadra and Nagar Haveli bakah Gujarat chhim lamah te chhanchhuah hna tun hnaiah tum 11 kalpui tawh a ni a, nimin leh nimin piah lamah khan tuilian avanga mipui chhanchhuah hna hi ngawrh leh zual a kalpui niin tun dinhmunah pawh tuilian avanga thangkhang awm mekte chhanchhuah hna leh chhawmdawl hna hi la kalpui mek zel a ni.



UNION CABINET

Union Cabinet thukhawm chuan tun hnai a NEET exam zawhna put ru chungchangah thil tisual ni ngei a hriatte chungah hremna na tak kenkawh a remti.

Prime Minister kaihhruaina hnuaia union cabinet thukhawm chuan hun lo la kal zel turah hetiang thil hi a awm tawh lohna turin hemi chungchangah fast track court din a phal a, hei bakah hian National Testing Agency-a thawktu mi 47 te chub an an ni tawh bawk.

Hetihlai hian, vawiin chawhnu dar 3.30 hian sorkar leh Cockroach Janata Party aiawh te chuan an inkawm leh dawn a, hei hi an inbiak tum 3-na tur a ni a, Constitution Club ah meeting hi nghah a ni.

Nimin khan Union Ministers J P Nadda leh Dr Jitendra Singh ten CJP hruaitute hi an kawm a, CJP thilphut hrang hrangte tha taka an ngaihthlak thu Pu Nadda a chuan a sawi a ni.

